

寧雅堂叢書

奧雅堂叢書

聲類卷三

嘉定錢大昕竹汀述

文之異者

覺爲桔 詩有覺德行禮緇衣引作桔

鵠爲結 周禮巾車前樊鵠纓杜子春云鵠或作爲結

紒爲結 士冠禮禮將冠者采衣紒注古文紒爲結又

主人紒而迎賓注古文紒爲結

躬爲今 詩我躬不閱表記引作我今

按爲遏 詩以按徂旅孟子引作以遏徂莒

駸爲奏

詩駸假無言中庸引作奏假

吳爲娛

詩不吳不揚正義謂鄭讀不吳爲不娛

諫爲簡

詩是用大諫左傳引作簡

只爲旨

詩樂只君子左傳引作樂旨

菑爲側

公羊傳以人爲菑注菑周埒垣也今大學辟

雍作側字

替爲載

少牢禮勿替引之注古文替爲袂音決袂或爲

載載替聲相近

漚爲渥

左傳拘鄆人之漚菅者周禮注引作渥菅

簪爲宗爲臧 易朋盍簪馬融本作臧荀爽本作宗

造爲聚 易大人造也劉歆父子作聚

揄爲枕爲省 詩或春或揄說文揄作省周禮注引作

枕枕以周切

秉爲卜 詩秉畀炎火韓詩秉作卜卜報也

樂爲癩 詩可以樂飢鄭本樂作癩說文癩治也或作

療

栗爲蓼 詩烝在栗薪韓詩栗作蓼聚薪也

樂爲樂 周禮鳧氏兩樂謂之銑注故書樂作樂杜子

春當爲樂

瘠爲柴 易爲瘠馬京房荀爽本皆作柴瘠在亦反讀

如藉今人讀脊者誤

斷爲敦 莊子越人斷髮文身司馬彪本斷作敦敦斷也

𪔐爲槿 周禮遺人以恤民之𪔐阨故書𪔐阨作槿阨

滯爲塵又爲痺 周禮塵人凡珍異之有滯者故書滯

或爲塵泉府貨之滯于民用者注故書滯爲痺杜子

春云痺當爲滯

焉爲夷 周禮行夫焉使則介之故書曰夷使康成謂夷發聲

蜡爲蠶 周禮籥師章國祭蜡則儺豳頌故書蜡爲蠶杜子春云當爲蜡

簋爲几 周禮小史史以書敘昭穆之俎簋注故書簋或爲几鄭司農云几讀爲軌書亦或爲簋古文也

藻爲輶 周禮巾車藻車藻蔽注故書藻作輶杜子春讀爲華藻之藻釋文輶音總

積爲稯 禮積之栗栗說文引作稯之秩秩

邪爲徐 詩其虛其邪爾疋邪作徐

琨爲璊 說文琨从玉昆聲或作璊从貫書瑤琨篠簜

馬融本作瑤璊韋昭音貫漢書地理志亦作瑤璊師

古音昆

玼爲蟪 說文玼珠也从玉比聲夏書作蟪从虫賓

葩爲𦵏 說文葩枲實也从艸肥聲或作𦵏从麻賁

有爲域 詩奄有九有韓詩作九域薛君云九域九州

也

蠲爲圭 詩吉蠲爲饔周禮蜡氏注儀禮士虞記注引

作吉圭呂覽臨飲食必蠲潔高誘云蠲讀爲圭

介爲个 書如有一介臣大學引作一个

臨爲隆 詩臨衝閑閑韓詩作隆衝

栽爲茲 中庸故栽者培之注栽或爲茲

賚爲理 書予其大賚女史記殷本紀賚作理

縮爲數 周禮司尊彝醴齊縮酌注故書縮爲數

速爲數 攷工記不微至無以爲戚速也注速書或作

數弓人莫能以速中故書速或作數

曰爲聿 詩見睂曰消荀子韓詩劉向傳並作聿消曰

喪厥國韓詩作聿喪曰爲改歲漢書食貨志作聿爲
王逸離騷注引詩予聿有奔走予聿有先後

適爲吹 詩適求厥甯說文作吹求吹卽曰字適與聿

同

較爲講亦爲權 漢書曹參傳蕭何爲法講若畫一文
穎曰講或爲較史記作顗周禮攷工記以其隧之半
爲之較崇注故書較作權

角爲斛 月令角斗甬注角謂平之也說文斛平斗斛

也古岳切與角同音

箕爲蓂 易箕子之明夷釋文引劉向云今易箕子作
蓂滋漢書儒林傳趙賓以爲箕子明夷陰陽氣亡箕
子箕子者萬物方蓂茲也

鰥爲矜 書有鰥在下曰虞舜史記作矜孟子老而無
妻曰鰥王制老而無妻者謂之矜注本又作鰥

告爲鞠 詩日月告凶劉向封事引作鞠凶文王世子
告于甸人注告讀爲鞠

荒爲幬 詩遂荒大東爾正注引作遂幬

振爲楷 易振恆凶說文引作楷恆

祇爲振爲震 書曰嚴祇敬六德史記夏本紀作振敬

治民祇懼史記魯世家作震懼盤庚爾謂朕曷震動
萬民以遷漢石經作祇動

箭爲晉 周禮揚州其利金錫竹箭注故書箭爲晉杜
子春云當爲箭大射禮綴諸箭注古文箭爲晉

薦爲摺 史記五帝本紀薦紳先生難言之徐廣云荐
紳卽摺紳也古字假借

迂爲禦亦爲御 書弗迂克奔馬融本作禦曲禮大夫

士必自御之注御當爲迂春秋傳曰跛者御跛者眇

者御眇者皆迓也世人亂之士昏禮勝御沃盥交注御當爲訝訝迎也

素爲索 禮中庸素隱行怪漢書藝文志引作索隱左傳八索九邱釋文索本或作素孔安國尙書序八卦之說謂之八索徐仙民音素本或作素 釋名八索索素也著素王之法

燂

徒含切

爲朕

周禮弓人橋角欲孰于火而無燂注故

書燂或作朕

吾爲魚

列子黃帝篇姬音魚語女注魚當作吾

廼爲魁 大射儀取矢廼之古文廼作魁又揚觸廼復

注古文廼作魁

翳爲弋 禮月令羅網畢翳注今月令翳爲弋

啜爲噉 荀子富國篇噉菽飲水注噉與啜同

履爲漏 莊子達生篇沈有履司馬彪本作漏沈水汙

泥也漏神名也

參爲操 莊子天下篇以參爲驗本又作操

竅爲窾 莊子齊物論篇大木百圍之竅穴崔本作窾

造爲戚 大戴禮保傅篇靈公造然失容賈子新書作

戚然周禮掌固鼓三鼗杜子春讀造次之造又讀爲
夏戚之戚是戚與造同

螭爲顙 詩螭首蛾眉 說文顙貌詩所謂顙首按說
文無螭字螭與顙聲相近

𩚑爲脊 周禮蜡氏掌除𩚑注故書𩚑作脊鄭司農云
脊讀爲殯謂死人骨也月令曰掩骼埋胔按月令掩
骼埋胔呂氏春秋作揜骼𩚑𩚑高誘云𩚑讀爲水漬
物之漬𩚑𩚑𩚑殯漬同音

閒爲干 聘禮記皮馬相閒可也注古文閒作干

澗爲干 詩攷槃在澗韓詩作干

退爲安 檀弓其中退然注退或爲安易隕然示人簡

矣孟喜本隕作退陸績姚信並作安左傳注古名退

軍爲綏綏有安音

贅爲屬之欲切 書傳略說太王亶父贅其耆老而問之

子孟子作屬

旻爲稷 易日中則旻孟喜本作稷春秋日下旻穀梁

作下稷尙書中候握河紀至于日稷鄭注稷讀曰側

史記趙世家秦昭王名稷世本云名側側仄義同日

仄爲昷

菱爲遴 說文菱芰也从艸凌聲司馬相如說菱从遴

作遴

蘊爲鬱 詩蘊隆蟲蟲釋文蘊本又作煜韓詩作鬱

潛爲涔 詩潛有多魚韓詩作涔書沱潛旣道史記夏

本紀作涔

叟爲蚤 詩釋之叟叟釋文叟所留反字又作浚爾正

作蚤音同郭音騷

勿爲网 易井收勿幕干寶本勿作网